

蒙古道路說明書

附略圖

地520
942

秘

字

叁拾

號



查蒙古全土共分四大部落曰內蒙古曰外蒙古曰青海蒙古曰內屬游牧部(察哈爾土默特)附庸於外蒙古者有二曰唐努烏梁海曰科布多茲將各部之區分列左

(1)內蒙古 共分二十四部即科爾沁郭爾羅斯杜爾伯特扎賚特土默特扎魯特阿祿科爾沁教漢索曼喀爾喀左旗喀喇沁翁牛特阿巴哈納爾阿巴噶浩齊特烏朱穆秦巴林克什克騰蘇尼特喀爾喀右翼罕部落毛明安烏喇特鄂爾多斯其中又分四十九旗

(2)外蒙古 共分四大部即土謝圖汗部車臣汗部扎薩克圖汗部三音諾顏部共稱喀爾喀四汗又分為八十六旗

唐努烏梁海 共分四十六佐領
科布多 共分七部落二十旗

(3)青海蒙古 共分五部落即和碩特綽羅斯輝特土爾扈特喀爾喀又分二十九旗

(4)內屬游牧部 共分左右翼二部又分八旗
內蒙古之道路

內蒙古有驛道五自北京東北至遵化州有喜峰口之道自北京北至密雲縣有古北口之道自京西北至獨石口廳有獨石口之道又其西至張家口廳有張家口之道又其西至山西朔平府有殺虎口之道茲將口外道路列左

(1)喜峰口外有驛站十六自寬城站而東北至第十六站曰哈達罕(在雅爾河南)若再東北則入黑龍江境通齊齊哈爾也此道二千一百二十六里達喀喇沁土默特喀爾喀左翼教罕奈曼扎魯科爾沁郭爾羅斯扎賚特杜爾伯特十部凡二十旗

(2)古北口外驛站十自坡賴村東北至第十站曰阿魯噶穆爾此道凡八百三十里達翁牛特扎魯特巴林阿魯科爾沁烏朱穆沁五部凡十旗

(3)獨石口外驛站六自獨石口而東北至第六站曰吳魯都(在錫林雜林二河之間)此道九百九十里達克什克騰阿巴噶阿巴哈納爾浩齊特四部凡七旗

(4)張家口外驛站察哈爾八站內蒙十八站自張家口西北至第十八站曰吉斯洪夥爾達皆在沙漠附近若再西北即入外蒙古境阿爾泰軍台矣此道一千七百里達四子部落蘇尼特喀爾喀右翼茂明安四部凡五旗

(5)殺虎口外驛站十一分北路四站西路七站北路自殺虎口而北達歸化城此路



約二百十餘里皆在土默特境其烏喇特部三旗即由歸化城達之西路自殺虎口而西至察漢扎達蓋此路約一千二百七十里達鄂爾多斯部凡七旗

外蒙古之道路

外蒙古驛道有二(一)由阿爾泰軍台至烏里雅蘇台城又至科布多城(二)由阿爾泰軍台至庫倫又至恰克圖

烏里雅蘇台之道係自內蒙古張家口道第十八台吉斯洪夥爾達而西北凡六站四百里日賽利烏蘇庫倫之道於是分(向北至庫倫向西北至烏里雅蘇台)又由賽利烏蘇而西北凡二十一站一千四百九十里日哈拉你多又由此而西北凡二十站一千五百七十里至烏里雅蘇台又由此而西凡十四站一千三百二十里至科布多庫倫之道由賽利烏蘇而北凡十四站九百八十里至庫倫又北十二站九百二十里至恰克圖

由恰克圖至北京之道有三(一)官道即順台站而行者此路最速由張家口至庫倫約三千一百餘里至恰克圖約四千餘里(二)商道即商人來往運貨所行之路由張家口至庫倫約二千八百餘里至恰克圖約三千七百餘里

(3)郵電路即郵政電綫所行之路由張家口至庫倫約千八百餘里除官道以外即以此路為最大名曰達爾罕市木大道近來茶商運貨多取道於此烏里雅蘇台道自東南斜達西北橫亘四千五百餘里支路甚多茲將其重要者列左自東始先北後南由張至庫之商電兩道不在此例

(1)通庫烏道之東路於外蒙古三音諾顏部之喀達圖分途向北逾杭愛山脈渡鄂爾坤河合於庫烏道塔克勒圖布拉克之西此路約六百餘里高山峻嶺跋涉甚難

(2)通庫烏道之中路於推河之西分途斜向東北逾杭愛山脈之罕蓋嶺渡鄂爾坤流域之塔米爾河而合於庫烏道之沙布克台卡倫東此路約四百餘里

(3)通庫烏道之西路於拜塔里克河邊之扎克分途向東偏北渡拜塔里河逾罕蓋嶺山脈經哈里圖合於沙布克台之西此路約三百餘里沿途皆峻嶺以上三路皆歧途之向北者

(4)通綏遠城之東路於察哈爾之明愛分途向西南

(5)通綏遠城之西路於吉斯洪夥爾達分途向東南兩路皆逾陰山而達綏遠

(6)通科布多之路於塔楚河邊之嘎魯分途直向西渡推河拜塔里克河經三

音諾顏之三音達賴并扎薩克之貝赤金達巴山口科布多之克特音沙喇霍勒蘇井等地而合於烏科軍台大道之哈拉烏蘇台以達科布多此路約一千六百餘里沿途無高山峻嶺惟沮路汗涇行走維艱

(7) 通新疆哈密之路於推河之西分途斜向西南逾阿爾泰山涉沙漠經三音諾顏之塔順呼都克扎薩克圖之蘇治等地而入新疆達哈密此路半屬沙磧水泉缺乏惟山脈尚少地甚平坦

(8) 通新疆鎮西之路於烏里雅蘇台河北岸之博勒霍分途斜向西南逾阿爾泰山脈經呼治爾圖塔穆成達巴山口夏什温等地南入新疆達鎮西
以上五路皆歧出向南者

自烏里雅蘇台東至庫倫另有小路經多倫山口湖巴圖達巴山口匝夏蘇台卡倫安曼爾海卡倫沙布克台卡倫博羅昆都因鄂博山口等地貫色楞格河流域凡二千餘里崇山峻嶺跋涉甚難

烏里雅蘇台與科布多之間亦有小路自烏里雅蘇台向西北經倭林山口渡科布多河而達科布多路程與軍台大道相等

自科布多而北至近吉里卡倫亦有小路此路自科布多向北行四百餘里抵烏

蘭固木(在烏布薩泊之西杜爾伯特游牧地也)此地於邊防最有關係故其名甚著自此折而西沿烏布薩泊之北並唐努山脈之南即達近吉里卡倫自庫倫南至定遠營亦專有道路自庫倫西南渡土拉河穿烏爾泰軍台大道經三音諾顏之東南部並賀蘭山而南達定遠營凡二千五百餘里

自庫倫東至滿洲亦有道路自庫倫渡土拉河至買賣城東南二百餘里折而東逾肯特山脈至東庫倫(亦曰昭莫多)又東渡克魯倫河經車臣汗旗扎薩克所駐地沿克魯倫河而達巴拉斯城又自此而東達於黑龍江之呼倫貝爾城約二千餘里

自庫倫至都倫諾爾亦有道路自庫倫向東南初與滿洲同途至克魯倫河西岸始分道而南經車臣汗南境之舒們霍舒山道阿端爾倫山口而達都倫諾爾此路約二千餘里

歸化城與定遠營相通之路自歸化而西經色倫布雷克嶺之北碩霍音打板嶺之南又西沿黃河北岸折而南傍賀蘭山麓以達定遠營此路約一千五百餘里

烏里雅蘇台與科布多附近又有巡查卡倫之路三(1) 烏里雅蘇台而北經扎

薩克圖汗部入科布多境渡特思河至近吉里卡倫凡九站約六百餘里
(2)自科布多而西北渡布彥圖河科布多河至索郭克卡倫凡八站
約五百八十餘里(3)自科布多而西南逾阿爾泰山脈至新疆之搜吉卡
倫凡八站約一千九十餘里凡唐努烏梁海杜爾伯特部新土爾扈特部
新和碩特部阿爾泰烏梁海扎哈沁等皆由此三路達之卡倫者滿
洲語即防守之地也如內地之營寨等

自蒙古進長城之路除喜峰古北張家獨石殺虎口以外尚有十路(1)自
歸化城土默特進長城之新平堡達直隸之宣化府(2)自河套入塞達陝
西神木縣(3)自河套入塞達陝西榆林縣(4)自河套入塞達陝西靖邊
縣(5)自定遠入塞經賀蘭山之都魯樹口達甘肅平羅縣(6)自定遠入
塞經賀蘭山之墨石口達甘肅甯夏府(7)自甘肅中衛縣西之達爾孫霍
托東渡黃河入塞(8)自達爾孫霍托南沿黃河入塞(9)自額濟納土爾
扈特進長城之金塔寺達肅州(10)進嘉峪關達肅州
喜峰口道左有歧途西北通黑龍江之呼倫貝爾城道右有歧途東北通
吉林之伯都訥城都倫諾爾亦有通呼倫貝爾之路

沿邊出界北達俄境之路有十一自東而西一一記之

(1)庫列里界牌東之路北達俄境成丹特卡倫南分兩路一渡克魯河
逾沙漠達都倫諾爾一渡克魯倫河沿貝加爾湖與都倫諾爾通呼
倫貝爾之路合

(2)齊普圖界牌西之路北達俄境塔里泊邊之庫魯蘇台卡倫南達巴
拉斯城及都倫諾爾巴拉斯城一作必拉城一作巴賴和屯又作克魯倫
又作烏爾托南瀕克魯倫河車臣汗監所也

(3)格子蓋界牌西之路北達俄境庫魯蘇台卡倫南與齊普圖之路合

(4)阿勒呼特界牌西之路北達俄境上烏里渾卡倫及阿克沙西南逾肯
特山脈達庫倫阿克沙俄人所置礮台也在教嫩河南岸

(5)呼蘇魯克界牌之路北達俄境阿申夏卡倫西南合阿勒呼特之路


(6)恰克圖大路北經俄境特羅依次潤薩甫斯克撒列烏羅次那雅烏
布昆斯喀雅至上烏丁斯克凡四百里而與西比里亞鐵路接南接庫倫

(7)罕戛界牌之路東北達拜喀湖西岸之庫勒圖克與西比里亞鐵路接
西南沿庫蘇古圖泊逾唐努山脈接近吉里卡倫之道

- (8) 霍甯達巴哈界牌南之路北達俄境上烏薩南渡貝克穆河分為兩路一溯貝克穆河通罕戛界牌一逾唐努山脈達近吉里卡倫
- (9) 博果蘇克山口之路西達俄境托穆斯克省東達烏蘭固木
- (10) 博果特達巴山口之路西達俄境托穆斯克省東達烏蘭固木
- (11) 烏蘭達巴山口之路西達俄境托穆斯克省東達索郭克卡倫

全蒙道路界圖

中華民國二年一月製印



參謀本部製圖局

古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室